

ՀՐԱՊԱՐԱԿԱՅԻՆ ՕՖԵՐՏԱ

1. Ընդհանուր դրույթներ

- 1.1. Սույն պայմանագիրը (այսուհետ՝ Պայմանագիր) հանդիսանում է «Դոպինգ Սփեյս» սահմանափակ պատասխանատվությամբ ընկերության (այսուհետ՝ Վաճառող) կողմից արված հրապարակային օֆերտա:
- 1.2. Պայմանագրի տեխսը մետապես տեղադրված է Վաճառողի <https://dopingspace.com/> կայքէջում (այսուհետ՝ Կայք) հետևյալ հղմամբ <https://dopingspace.com/public-offer-arm.pdf>, և պարունակում է Պայմանագրի բոլոր էական պայմանները:
- 1.3. Կայքում տեղադրված են միջոցառումների վերաբերյալ տեղեկություններ, մասնավորապես՝ միջոցառման (կատարողի) անվանումը, նկարագրությունը, ամսաթիվը, ժամը և վայրը (այսուհետ՝ «Միջոցառում»):
- 1.4. Պայմանագրի տեխսը հանդիսանում է հրապարակային օֆերտա (այսուհետ՝ Օֆերտա)՝ Կայքի համապատասխան էջում նշված Միջոցառումների կազմակերպիչ հանդիսացող Վաճառողի կողմից Պայմանագիր կնքելու վերաբերյալ արված առաջարկ՝ հասցեագրված ցանկացած Գնորդի (այսուհետ նաև՝ Օգտատեր), ով Կայքի համապատասխան բաժնում լրացրել է բոլոր պարտադիր դաշտերը և ցանկանում է գնել որևէ Միջոցառման տոմս:
- 1.5. Օֆերտան համարվում է ակցեպտավորված, եթե Գնորդը կատարում է հետևյալ հաջորդական գործողությունները.
 - ընտրում է Միջոցառումը (կատարողին) և սեղմում է ԳՆԵՆՆ ՏՈՄՍ կոճակը՝ անցում կատարելով պատվերի ձևավորման և ձևակերպման պատուհան,
 - ընտրում է Միջոցառման օրը,
 - բացված պատուհանում ընտրում է դահլիճում նստատեղերը, նշում դրանք և սեղմում ՀԱՍՏԱՏԵՔ ՏՈՄՍԵՆԸ կոճակը,
 - բացված դաշտում լրացնում է պահանջվող տեղեկությունները՝ անուն, ազգանուն, էլեկտրոնային հասցե և հեռախոսահամար,
 - ապա սեղմում է ԱՆՑՆԵՆՆ ՎՃԱՐՄԱՆ կոճակը,
 - ԱՆՑՆԵՆՆ ՎՃԱՐՄԱՆ կոճակը սեղմելուց հետո համակարգը Օգտատիրոջը տեղափոխում է բանկի կայք, որտեղ բացվում է վճարում կատարելու պատուհանը,
 - բացված պատուհանում կատարում է վճարումը՝ վճարելով ընտրված Տոմսերի արժեքն ամբողջությամբ:
- 1.6. Պայմանագրի 1.5. կետում ամրագրված բոլոր գործողությունների ճիշտ հաջորդական կատարման և վճարումն ամբողջությամբ բարեհաջող կատարելու պահից Օֆերտան համարվում է ակցեպտավորված. Վաճառողի և Գնորդի միջև Պայմանագիրը համարվում է կնքված:
- 1.7. Գնորդի կողմից վճարում կատարելու պահից ակցեպտն այլևս չի կարող հետ կանչվել:
- 1.8. Վճարումը կատարելուց հետո Տոմսերն ուղարկվում են Օգտատիրոջ կողմից նշված էլեկտրոնային հասցեին:
- 1.9. Վաճառողն ու Գնորդը այսուհետ միասին անվանակոչվելու դեպքում կանվանակոչվեն Կողմեր, առանձին՝ Կողմ:

2. Պայմանագրի առարկան

- 2.1. Համաձայն Պայմանագրի Վաճառողը վաճառում է Միջոցառումների էլեկտրոնային տոմսեր (այսուհետ՝ Տոմս) Կայքի միջոցով:
- 2.2. Գնորդը ընտրում է Միջոցառումը, վճարում է ընտրված Տոմսերի արժեքը, որից հետո Տոմսերի էլեկտրոնային տարբերակն ուղարկվում է Գնորդին:
- 2.3. Գնում կատարելու դեպքում Վաճառողը պարտավորվում է Գնորդին տրամադրել համապատասխան էլեկտրոնային փաստաթուղթ Կայքի և/կամ էլեկտրոնային փաստի միջոցով:
- 2.4. Միջոցառման անվանումը, նկարագրությունը, ամսաթիվը, ժամը և վայրը ամրագրվում է Տոմսի մեջ:
- 2.5. Տոմսերի արժեքը նշված է Կայքի համապատասխան էջում:

3. Կողմերի իրավունքները և պարտավորությունները

- 3.1. Գնորդը պարտավոր է.
 - 3.1.1. կատարել սույն Պայմանագրով ստանձնած իր պարտավորությունները պատշաճ,
 - 3.1.2. տրամադրել հավաստի տեղեկություններ,
 - 3.1.3. ինֆորմացիոն ստուգել Միջոցառման տվյալները մինչև գնում կատարելը, ծանոթանալ Միջոցառման մասին տեղեկատվությանը (բովանդակություն, վայր, ժամ, պայմաններ և այլն),
 - 3.1.4. ինֆորմացիոն ծանոթանալ վճարման եղանակների հետ կապված պայմաններին և կանոններին,
 - 3.1.5. վճարել Տոմսի արժեքը,
 - 3.1.6. փոխհատուցել Վաճառողին պատճառված վնասները:
- 3.2. Վաճառողը պարտավորվում է.
 - 3.2.1. անվերապահորեն կատարել 18.05.2015թ. «Անձնական տվյալների պաշտպանության մասին» ՀՕ-49-Ն ՀՀ օրենքի պահանջները,
 - 3.2.2. վճարումն ամբողջությամբ կատարված լինելու դեպքում Գնորդին տրամադրել ընտրված համապատասխան ֆանակի Տոմս,
 - 3.2.3. տրամադրել Միջոցառումների վերաբերյալ հավաստի տեղեկություններ,
 - 3.2.4. վերադարձնել Տոմսի արժեքը Պայմանագրով սահմանված դեպքերում և կարգով:
- 3.3. Վաճառողն իրավունք ունի.
 - 3.3.1. սեփական հայեցողությամբ ցանկացած պահի փոխել և/կամ հեռացնել Կայքում տեղադրված ցանկացած տեղեկատվություն,
 - 3.3.2. օգտագործել Գնորդի անձնական տվյալները Պայմանագրով սահմանված կարգով և նպատակներով,
 - 3.3.3. Գնորդին ուղարկել տեղեկություններ Վաճառողի Գաղտնիության ֆաղափակնությամբ սահմանված կարգով և պայմաններով,
 - 3.3.4. Անհրաժեշտության դեպքում Կապ հաստատել Գնորդի հետ,
 - 3.3.5. դադարեցնել Կայքի աշխատանքը, իրականացնել Կայքում պրոֆիլակտիկ աշխատանքներ, կատարել մոդիֆիկացիաներ,

4. Անձնական տվյալներ

- 4.1. Գնորդը Վաճառողին տալիս է իր համաձայնությունը ներքոնշյալ անձնական տվյալների մշակման համար, այդ թվում՝ ավտոմատացված, տեխնիկական ցանկացած միջոցներ կիրառելու կամ առանց դրանց.
 - 4.1.1. Անուն, ազգանուն, հայրանուն,

- 4.1.2. Հեռախոսային համարներ,
- 4.1.3. Էլեկտրոնային փոստի հասցե:
- 4.2. Անձնական տվյալները մշակվում են Վաճառողի կողմից Պայմանագրի պայմանների կատարման, ինչպես նաև գովազդային արժավների և մարքեթինգային հետազոտությունների անցկացման նպատակներով: Անձնական տվյալների մշակումը դադարեցնելու պայման կարող է լինել անձնական տվյալների մշակման նպատակներին հասնելը, Գնորդի կողմից անձնական տվյալների մշակման համաձայնության ժամկետի ավարտը կամ համաձայնությունից հրաժարվելը, ինչպես նաև անձնական տվյալների ապօրինի մշակման դեպքի հայտ գալը:
- 4.3. Անձնական տվյալների մշակման ընթացքում իրականացվում են հետևյալ գործողությունները՝ հավաքում, գրանցում, համակարգում, կուտակում, պահպանում, պարզաբանում (թարմացում, փոփոխություն), հանում, օգտագործում, փոխանցում (տարածում, տրամադրում, հասանելիություն), արգելափակում, ուղեփակում, ոչնչացում:
- 4.4. Անձնական տվյալների փոխանցումը երրորդ անձանց իրականացվում է 18.05.2015թ. «Անձնական տվյալների պաշտպանության մասին» ՀՀ օրենքով սահմանված կարգով:
- 4.5. Վաճառողի կողմից անձնական տվյալները կարող են մշակվել առանց Օգտատիրոջ համաձայնության բացառապես Օրենքով սահմանված դեպքերում:
- 4.6. Անձնական տվյալների մշակման, օգտագործման, պաշտպանության հետ կապված հարաբերությունները կարգավորվում են Վաճառողի Գաղտնիության ֆաղափակառությանը, որը տեղադրված է <https://dopingspace.com/privacy-policy-arm.pdf> հղմամբ:

5. Տոմսի հանձնում

- 5.1. Տոմսի արժեքը վճարելուց հետո համակարգը ինքնաշարժ եղանակով Գնորդին տրամադրվում է Տոմսը համապատասխան էլեկտրոնային փաստաթղթի տեսքով Կայքի և/կամ էլեկտրոնային փոստի միջոցով: Այդ պահից սկսած Տոմսը համարվում է հանձնված Գնորդին:
- 5.2. Եթե Գնորդը չի ստացել որևէ եղանակով Տոմս, ապա պետք է վճարումը կատարելուց հետո 40 րոպեի ընթացքում կապ հաստատի Վաճառողի հետ և հայտնի այդ մասին:
- 5.3. Գնորդի կողմից Պայմանագրի 5.2. կետում սահմանված պահանջը չկատարելու դեպքում Գնորդը գրկվում է Վաճառողին հետագայում որևէ պահանջ ներկայացնելու իրավունքից:

6. Տոմսի վերադարձ

- 6.1. Տոմսի արժեքի փոփոխությունն իրականացվում է Վաճառողի կողմից հետևյալ կարգով.
- եթե Վաճառողն անհարգելի պատճառով չեղարկել կամ հետաձգել է Միջոցառումը, ապա կատարվում է Տոմսի արժեքի ամբողջական փոփոխություն կամ միջոցառումը այլ ամսաթիվ տեղափոխելու առաջարկ,
 - եթե Վաճառողը հետաձգել է Միջոցառումն անհաղթահարելի ուժի ազդեցության պատճառով, ապա Տոմսի արժեքը չի վերադարձվում, և Գնորդը կարող է օգտագործել Տոմսը և ներկա գտնվել հետաձգված Միջոցառմանը:
- 6.2. Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը,

ռազմական և արտակարգ դրություն հայտարարելը, ֆալսֆական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով պարտավորությունների կատարումը:

7. Եզրափակիչ դրույթներ

- 7.1. Վաճառողն իրավունք ունի լուծել Պայմանագիրը ցանկացած պահի՝ այդ մասին համապատասխան ծանուցում տեղադրելով Կայքում: Պայմանագիրը համարվում է լուծված ծանուցումը Կայքում տեղադրելու պահից:
- 7.2. Պայմանագիրը լուծելու և դադարելու հիմքերը որոշվում են ՀՀ գործող օրենսդրությամբ և սույն Պայմանագրով:
- 7.3. Պայմանագրի դրույթները մեկնաբանելիս Կողմերը, ինչպես նաև դատարանը պետք է ելնեն դրանում պարունակվող բառերի և արտահայտությունների տառացի նշանակությունից: Այդպիսիք պարզ չլինելու դեպքում այն սահմանվում է Պայմանագրի մյուս պայմանների և Պայմանագրի ամբողջական իմաստի հետ համադրելու միջոցով:
- 7.4. Բոլոր այն հարցերը, որոնք կարգավորված չեն Պայմանագրով, կարգավորվում են ՀՀ Քաղաքացիական օրենսգրքով, ՀՀ գործող օրենսդրության այլ իրավական ակտերով, Վաճառողի Գաղտնիության ֆալսֆականությամբ և Կայքի օգտագործման կանոններով:
- 7.5. Պայմանագրի առանձին դրույթի կամ մասի անվավերությունը չի հանգեցնում դրա մյուս դրույթների կամ մասերի անվավերությանը:
- 7.6. Կողմերի միջև բոլոր վեճերն ու տարաձայնությունները, որոնք չեն լուծվում Կողմերի բանակցությունների արդյունքում, լուծվում են դատական կարգով՝ համաձայն ՀՀ գործող օրենսդրության:
- 7.7. Ցանկացած դեպքում Վաճառողը պատասխանատվություն չի կրում այլ անձանց կողմից Գնորդի տվյալներով կատարված գործողությունների համար: Այդ գործողություններով Վաճառողին կամ երբորդ անձանց պատճառված վնասի համար պատասխանատվություն է կրում Գնորդը:
- 7.8. Պայմանագիրը կնքված է հայերեն:
- 7.9. Կողմերը համաձայնվում են, որ Վաճառողը կարող է միակողմանի փոփոխություններ կատարել Պայմանագրում՝ փոփոխված Պայմանագրի տեքստը տեղադրելով հետևյալ հասցեում <https://dopingspace.com/public-offer-arm.pdf>: Կայքի օգտագործումը Օգտատիրոջ կողմից հանդիսանում է համաձայնություն փոփոխություններին: Եթե Օգտատերը համաձայն չէ կատարված փոփոխությունների հետ, ապա նա պետք է դադարեցնի Կայքի օգտագործումը:
- 7.10. Կայքի օգտագործման կանոնները հանդիսանում են սույն Պայմանագրի անբաժանելի մասը և հասանելի են <https://dopingspace.com/rules-of-website-use-arm.pdf> հղմամբ:

8. Վաճառողի վավերապայմանները՝

«Դոպինգ Սփեյս» ՍՊԸ

ՀՎՀՀ՝ 02893152

Հասցե՝ Բ.Երևան, Նալբանդյան 25 ա բն 58

Տնօրեն՝ Հայկ Սիմոնյան